

БҮРЯАД РЕСПУБЛИКА

1998
апрелиин
28

Хабарай һүүл
улаан луу
һарын
2
гарагай 3
ВТОРНИК
№ 76 (19917)
Газетын сэн хэлсээтэ

1921 оной
декабриин
21-һээ гараа

Бүгэдэ арадай сонин

НАЯН ЖЭЛЭЙНГЭЭ НАЙРТА



Буряад Республикын Зоние социальна талаар хамгаалгын министрствын албан зургаануудай хүдэлмэрилэгшэд 80 жэлэйнгээ ойн баярые буряад драмын театр соо хаяхан тэмдэглэбэ. Баярай үгэ хэлээн министр Степан Гаврилович Ефимов түүхэ, эрхим хүдэлмэрилэгшэд, ветеранууд тухай дурсаха үедөө бэрхэ хүтэлбэрилэгшэд байһан И.И.Точиллов, А.В.Башинов, А.Х.Хамаганов, А.Д.Марков, Н.Ф.Елизов, В.А.Агалова, В.Д.Минеев, Г.М.Чубукова, Н.Н.Хамаганова гэгшэдэе тэмдэглээ.

Дурсалгын хайхан үгэнүүдэе хэлгэһэн дуу, хатарнууд театризованно үдэшые шэмэглэжэ, бэлигтэй артистнууд Е.Шараева, Г.Мардаева А.Зубенко хоёр («Вдохновение» ансамбль), В.Борисов, С.Бунева, Дымбрыловтэнэй бүлын ансамбль, «Веснушки» гэхэн хүүгэдэй ансамбль уран шадабарияа харуула. Эрхим хүдэлмэрилэгшэдтэ үндэр нэрэ зэргэнүүдэй үнэмшэлгэнүүдэе республикын Правительствын Түрүүлэгшын орлогшо Л.Ч.Нимаева баярай оршон байдалда барюулһан байна.

Б.ДОРЖИЕВА.

ЗУРАГ ДЭЭРЭ: министр С.Г.Ефимов.

А.БАТОМУНКУЕВАЙ фото.

Буряад Республикын Президентын Зарлиг

1998 ОНОЙ АПРЕЛИИН 28-НАЙ ҮДЭРЫЕ АЖАЛАЙ БЭШЭ ГЭЭД СОНОСХОХО ТУХАЙ

1998 оной апрелиин 28-най үдэрые (Родительский день) ажалай бэшэ гээд соносхохо тухай олон эрхэтэдэй хандаһан ушараар иигэжэ тогтооноб:

1. 1998 оной апрелиин 28-най үдэрые Буряад Республика дотор ажалай бэшэ гээд соносхохо.
2. Гар табиһанай удаа тус Зарлиг хүсэндөө ороно.

Буряад Республикын Президент
Л.В.Потапов

Улаан-Үдэ хото,
Правительствын байшан
1998 оной апрелиин 27
№ 91

ТОБШО НОНИНУУД

Правительствын тогтоолоор Сэлэнгын аймагай Заганын дунда хургуулида, Түнхэнэй аймагай Зүүн-Мориной дунда хургуулида ойн баяртайнь дашарамдуулан, тиихэдэ Загорск поселогой 36-дахи хургуулида компьютер абаха, эрэмдэг бэтэйшүүлэй болон үндэр наһатайшуулай Баунтын Эвенкийск интернат-байшангые хэльбэн шэнэлхэ, Захааминэй аймагай Санагын дасаниие нэргээн бодхоохо хэрэгтэ нөөсэ жасаһаа мүнгэн зөөри үгтөө.

«Өөдэлсэгүй (панхарууталга) болон предпритинуудые болюула тухай» Федеральна Хуулиие бэелүүлхын тула экономикын хүшэр байдалда хүтэлбэрилжэ хургаха курсануудта бэлэдхэл гараха кандидатнуудые конкурсын гуримар шэлэн абалга үнгэргэхэ саг үргэлжын албан хоорондын комисси байгуулагдаа.

Республикын харьяата газарта телерадио-дамжуулга ябуулагда лицензи үгэлгөөр гүрэнэй политикые гуримшуула, кинаха болон бэелүүлхэ тухай Правительствын тогтоол абтаа.

Правительствын байгша оной апрелиин 20-ной тогтоолой ёһоор коммерческэ банкнуудтай хүдэлхэ Правительствын дэргэдэхи албан хоорондын совет тухай дүрим баталагдаа.

Мүнгэ зөөрийн дутагалые болон урьһаламжын мүнгэнэй үгы байлгые хараада абажа, хабарай тарилгын хүдэлмэринүүдые бюджетдээ урьһаламжа абажа, мүнгэ зөөрээр номолохо арга бэдэрхыень Хүдөө ажахын болон эдэе хоолой министрствэдэ даалгаа.

Байгша оной апрелиин 20-ной 126-дахи номерой тогтоолоор манай республикын Правительствоо Буряад Республикадахи налогой албанай хүгжэлтын жаса бүридүүлхэ ба мүнгэн зөөриез гаргалалха гуримыень баталаа.

Худалдаа наймаанай болон Гадаадын экономическа холбоонуудай талаар гүрэнэй комитетдэ лицензионно татабары абалтаггүйгөөр республиканска оптово-хангалгын аптечнэ баазада этилэй спирт оптово аргаар худалдаха эрхэтэй лицензи гурбан жэлэй болзороор үгтөө.

«Коопераци тухай» Буряад Республикын Хуулиие болон хүдөөдэ тус халбарыне хүгжөөхэ тусхай программа зохёон табиха зорилготойгоор албан хоорондын хүдэлмэрилгын бүлэг байгуулагдаа. Тэрэниие хүдөө ажахын болон эдэе хоолой министр Пётр Болонев толгойло.

Ургаса-98

ЭДЭ ҮДЭРНҮҮДТЭ ЖЭГДЭРЭН ОРОБО

Аймаг соогоо эгээ түрүүлэн хабарайнгаа тарилгые хүдөө ажахын «Колос» кооперативай механизаторнууд таряалангайнгаа 240 гектартань шэниисэ тариба. Харин Жэрэмэй талын «Восход», «Россия», «Октябрь» ажахынууд апрелиин 27-һоо энэ шухала хүдэлмэридөө ороо.

Һаянай байдалаар Тарбагатайн аймагай ажахынуудта 300 гаран гектар газар хахалагдаад, 600 гектарай талмайда культиваци хэгдэнхэй, 1200 гектарай таряаланда наг шэбхэ, минеральна үтэгжүүлгэ даб дээрээ оруулагдаад байна.

«Маяк» нэгдэлһээ бэшэ аймагай бүхы ажахынууд республикын эдэе хоолой корпоративай тусхай хэлсээ баталжа, хабарай тарилгада хэрэгтэй тоһо, түлишын зүйлнүүдые, хуушарһан оньһон түхээрэлгэнүүдые хэлгэхэ запас хэрэгсэлнүүдые абаа. Абаһан урьһаламжяа ажахынууд ерэхэ ургасын таряагаар тэхэрюулхын тула, тэдэнэр байгша ондо таряалангайнгаа талмайе жэшээгүй ехээр үргэдхэхэ талаар горитой хүдэлмэри ябуула.

Б.БОЛОТОВ.

ПРАВИТЕЛЬСТВЫН ХҮДЭЛМЭРИИН ДОЛООН ХОНОГ

Нийтэ республиканска хэмжээ ябуулганууд. Апрельин 29. Буряад Республикын Правительствын заседани.

Апрелиин 30. «Архитектурно-барилгын хиналгые, проектнүүдые шалгалгые болон барилгын ажал ябуулгада лицензи олголгые шангадхаха программаар барилгын байдал ба тэрэнэй шанар хайжаруулгаар абтаха хэмжээнүүд тухай» республиканска зүблөөн.

Апрелиин 29-30. Аймагай газетэнүүдэй редакторнуудай зүблөөн.

БУРЯАД РЕСПУБЛИКЫН ПРЕЗИДЕНТ-ПРАВИТЕЛЬСТВЫН ТҮРҮҮЛЭГШЭ Л.В.ПОТАПОВ

Апрелиин 27. Налогой хуули ёһонуудые сахилгаар комиссин заседани.

Апрелиин 28. Буряадай гүрэнэй телерадио-дамжуулгын компанида ошолго.

Апрелиин 29. Захиргаануудай толгойлогшонортой зүблөөн.

Майн 1. Хабарай ба ажалай хайндэртэ зорюулагдаһан хэмжээ ябуулгануудта хабадалга.

ПРАВИТЕЛЬСТВЫН ТҮРҮҮЛЭГШЫН НЭГЭДЭХИ ОРЛОГШО В. К. АГАЛОВ

Заганынай ажахын республиканска Соведей зүблөөн.

Апрелиин 27. Ажаһуудалай-коммунальна эрилтэ хэрэглэмжэнүүдые хангалгын дэлгүүртэ онсо эрхыень болюула ба эрилтэтэй байлгыень хүгжөөхэ хэмжээ ябуулгануудые дүүргэлгын асуудалнуудаар Улаан-Үдэ хотын өөһэдын хүтэлбэрийн захиргаануудай толгойлогшонортой зүблөөн.

Апрелиин 29. «Конкуренци тухай Россин Федерациин Хуули эбдэнэн «Бурятэнерго» акционернэ бүлгэмэй хэрэгые хаража үзэхэ талаар зүблөөнэй заседани.

ПРАВИТЕЛЬСТВЫН ТҮРҮҮЛЭГШЫН ОРЛОГШОНОР:

А.Н. ЖИЛЬЦОВ

Федеральна бюджетдээ барилгын объектүүдые мүнгэ зөөрээр номолохо талаар гүрэнэй лимидүүдые зажил хэгшэдтэ хубаарилга.

ШАПОВАЛОВ Валерий Анатольевич, 1957 оной ноябриин 22-то түрэнэн, Бүгэдэ Россин «Честь и Родина» гэхэн нийтын хүдэлөөнэй буряадай региональна танагай координатор 1998 оной апрелиин 25-да Буряад Республикын Президентын тушаалда кандидаттаар бүридхэлдэ абтаба.

Н.ДАШИЕВА,

Буряад Республикын һунгуулин комиссин түрүүлэгшын орлогшо.

Ургаса-98

ӨӨНЭДЫН ЛЭ ХҮСӨӨР ТАРЯАГАА ТАРИХАБДИ

Бэшүүрэйхид ургаа таряашад гэшээбди. Хэзээдэшье орооно таряанай үндэр ургаса абажа гуршэлэн механизаторнууд мүнөөшье ажахынүүдта хүдэлжэ байна.

Наяхана республикын Президент Л.Б.Потапов манай аймагаар ябажа, хүдөө ажахын байдалтай танилсахадаа, бэшүүрэйхидтэ найдахада болоно гэжэ урма зоригьемнай багаруулаа.

Юүндэ иимэ сэгнэлтэ үгөөб гэхэдэ, хабарай тарилгада хабаадаха техникэ, дүн хамта 300 трактор, культиватор, сеялкэнүүд заһабарилгадага байгаа юм. Техникэ бэлдэхын тула туйлай ехэ ажал хэһэн байнабди. Юуб гэхэдэ, манай тракторнуудай 70 процент ашаглалынгаа арга боломжонүүдые, болзорые дууһан хэрэглэжэрхёо ха юм. Тэгэнэй олон агрегатүүдые нэһлэн шэнэлхэ баатай болоод, эндэ тэндэһээ запас хэрэгсэлүүдые асараабди.

Илангаяа мөөртэ тракторнуудай болдон хомор.

Техникэ заһабарилгын талаар эриг хэмжээнүүдые саашадаа абаагүй хаамнай, хойто жэлхээ шахардуу байдалда орохоннай. Тиимэһээ аймагай «Сельхозтехникие» хэргээжэ, зэбсэгжүүлээд, иматгал эндэ заһабарилгын бодото үндэһэ нуури түхээрэе гэжэ шийдхэбэри наяхана абаабди.

Энэ үгэдэ таряашаднай газараа хахална, эдгүүрилнэ. Аймаг соо дүн хамта 35 звено бүридхэгдэнхэй юм. Ажахы бүхэндэ хэдэн звено өөр өөрын гаабаритай, тус тустаа гаажа абаһан

техникэтэй, таряалангай талмайтай. Звеногой бүридэлдэ таряашад найн дураараа ороно, харин олон механизаторнуудай дундаһаа эгээн дүршэлтэй, эгээн найдамтай хүнүүдые звеньевойгоор шэлэжэ абана. Звено бүхэн ажахынгаа захиргаантай тусхай хэлсээнүүдые баталһан байна.


Иимэ гуримаар бүридхэгдэн таряашадай коллективүүд ажалда харюусалгатайгаар хандаха бээ гэжэ найданабди. Юуб гэхэдэ, звеногой гэшүүн-бүхэн ганса ажахын хүтэлбэрлэгшэдэй урга бэшэ, харин гол түлэб өөрынгөө звеногой урга харюусалгатай байха ха юм. Даалгагдан газартаа, техникэдээ, худалдажа абаһан тоһо, түлшээдээ эзэн ёһоор хандаха зэргэтэй болоо.

Нёдондо зарим ажахынүүд хуушан гуримаар хүдлөө. Хамтын харюусалга найдабаригүй, хүн эзэн бусаар ажалда хандага байгаа. Жэһээнь, «Еланский» совхозойхид нёдондо гектар бүриһөө оройдоо 6 центнер таряа хуряагаа хэн. Харин шэнэ гуримаар хүдэлхэн «Победа» колхозойхид адирхуу эрхэ байдалтай байбашье, гектарһаа 16 центнер ургаса абаһан байха юм. Шалтагааниинь мэдээжэ. «Еланский» совхозойхид паар бага хэмжээнэй талмайда хахалһан байгаа, үржээлөөр бираггүй үрхэ хүрэнгэ таряа, агротехникын гуримые найнаар сахижа шадаагүй. Харин тусхай гаабаритай, тодорхой

уялгатай «Победа» ажахынхид эзэн ёһоор газартаа, техникэдээ хандажа хүдэлхэнэй ашаар найн ургаса абажа шадаа. Ажала шэнэ гуримаар эрхилхэн бусад ажахынхид мүнөө жэл үндэр ургаса абажа гэжэ найданабди.

Урьһаламжаар абаһан запас хэрэгсэлэй, минеральна үтэгжүүлгын, тоһо түлшын түлөө намар хуряанан таряагаараа тоосохобди. Иимэ хэлсээнэй ёһоор тарилгын ажалай хэрэглэмжые гүйсэд шахуу хангаһан байнабди.

Зүгөөр зарим тэдэ тойбо тогдор ушарна гэжэ сэхыень хэлэхэ ёһотойб. Электрын эмхинүүд хүдөөгэйхидэй харюусалгата ханые тоонгуйгөөр, сайн гал дамжуулхаяа болино. Дүрбэн ажахынүүдэй мастерскойнууд техникэ заһабарилгын үгэдэ сайн галгүй байгаа хэн. Мүнөөшье электро-гагнууриин ажал бүтээхэ аргагүй ха юм. Тарилгын үгэдэ нэгэшье үдэрэй



зогсолто ургасада хохидолтой байхал.

Энэ хабар сагай уларил таряашадта тиимэшье таарамжатай бэшэ. Ходо халхилна, таряалангай хурьһэн шийггүй. Тиимэһээ яаралгүйгөөр, сагай уларилай шэнжэ шарайшалжа, бород орохын болзорые багсааж, тарилгын ажал ябуулахманай.

«Өөһэдын лэ хүсөөр таряагаа тарихабди», - гэжэ бэшүүрэйхид Л.Б.Потаповта мэдүүлээ юм.

Огородой эдээ ургуула хэрэгтэ мүн лэ анхаралаа хандуулаа гэшээбди. Хартаабха, капуста нуулгахадаа, иматгал эрхим үрхэ хэрэглэхэ гэжэ оролдонобди. Ургасаяа худалдаха тухай хэлсээ мүнөөнһөө олон эмхинүүдтэй хэжэ эхилэнхэйбди.

Сабшалан найжаруулгын талаар мүн лэ зарим тэдэ ажал хэгдэнэ. Малай тэжээл нөөсөлөөд, арендээр мал гаажа абаһан малшадта намартаа худалдахаар харалһанбди. Юуб гэхэдэ, таряан ажалай, мал ажалай халбаринууд ажахын хоорондын тоосоотой болонхой. Энэ жэлхээ хамтын ажахын бүхы мал арендаторнуудта хубаагдажа үгтэхэнь. Тэгэнэр гол түлэб манай продукци хэрэглэхэ болоно.

С. АЛЕКСЕЕВ,

Бэшүүрэй аймагай хүдөө ажахын управленин ахмад инженер.

ХЭЗЭЭ ХҮДЭЛХЭ ДЭЛГҮҮР БЭ?

«Восточный» поселок ошоһон гол харгын хойто тээхи добуун дээрэ «Колхозой дэлгүүр» гэжэ гаршагтай түмэр хушалтатай шулуун барилга ямар нэгэн хүдөөгэй дасан, дуган эзэлүүдгүй ханууддаг. Энэ ехэ байшан мяха, овошһоо эхилээд хүдөө ажахын продукци сэлээнэйхидэй ерээжэ худалдадаг болбосон түхэлтэй дэлгүүр урдань байһан юм.

Эндэ 20-30 хүн малай мяха наймаалха аргатай. Оройтохо-эртэдэхэ болоо наа зунайшье халуунда мяхаяа холодильникта хэжэ хүргэхэ боломжотой хэн. Тусхай таһалга соо 3 мэргэжэлтэ врачнуудһаа бүридэхэн санитарна албан хүдэлхэ. Хүдөөһөө ерэгшэд мяхаяа байра дээрнэ тамгалуулаад худалдадаг нааб даа.

Мүнөө энэ болбосон түхэлтэй дэлгүүрэй аяр жэлэй туршада хаалгаатай дээрэһээ наймаалагшад «Восточный» поселогой магазинуудай хажуугаар үндэр хүхэ тэнгэрийн майхан доро мяха худалдана. Сэнгыншье үнэтэй. Ямар шанартай мяхан байһые хэн мэдбэ. Хэн тэрэниие шалгаха, тамгалхаб даа.

Дэлгүүрэй хаагдаһаар эндэхэ зон лэ зүдэрнэ, зобоно хэбэртэйгшээбди. Хотын дэлгүүрһээ нэгэ бага үнэгүй мяха абаад ерэхэ гэхэдэшни хотын автобусууд ябахаяа болонхой хэн гүб даа. 2 түхэригтэ автобусуудта хууһадаа, нөөхил мүнгэээ гаргахаяа гадна үшөө холын харгыда сагаа эдихэш, - гэжэ Сэсэгма Дондоковна гэжэ эхэнэр хэлэнэ хэн.

Ноёдой захиран зонхило үдэл энэ дэлгүүр пенсийн жасын мүнгөөр 1982 ондо зоной ябадалһаа хажуу тээ баригданан аад, удаань горкоопторгдо дамжуулан үгтэхэн байгаа. Энэ байшан 10 жэлэй хугасаада арендээр абажа, хүдэлхын түлөө яһала оролдогдоо. Заһабарилгада ехэ мүнгэн гаргашалагдаа. Нимгэн панелээр баригданан аад, үбэлдөө хүйтэн, ехэ дулаа «эдинэ», - гэжэ тус дэлгүүрэй директор Геннадий Петрович Чагин хөөрэнэ.

Геннадий Петрович хөөрэхөөр, 1991 ондо хүдөө ажахын продукциүүдые худалдаха «Глобус» фирмэ байгуулжа, арендээр абаһан энэ дэлгүүртээ худалдаа наймаа эмхидхээ. Тэрэ найн сагта энэ дэлгүүрэй ажалье 15 хүн эмхидхэдэг, хангадаг байгаа.

Баймга ябаган наймаашадай

магазинай газраагуур хүндэлжэ, эмхи захагүйшье наа, түлөөһэгүйгөөр өөһэдынгөө юумэ худалдадаг болоходоо нууриной тон хажуу тээ тобхойжо нууһан дэлгүүртэ зоной ябаса үсөөржэ эхилээ хэн. Зоной ябадаггүй газарта ямар наймаа ябахаб?

Дэлгүүртэ нууца наймаашадай үсөөрхэдэ саг үргэлжэ уржажа байһан арендын болон дэлгүүрэй коммунальна хангалтын гэхэ мэтын түлбэринүүдэй ороһон хамаг олзо оршыень «эдижэрхидэ» болоходонь, дэлгүүрээ хааха, һөөргэнэ горкоопторгдонь тушааха шийдхэбэридэ ерэхэн байна.

Таатай шийдхэбэри абтанагүй.

Арендманай хэлсээнэй ёһоор, дэлгүүрэй заһабарилга, үргэдхэлгэ, гоёолтодо горкоопторг хамһа саха ёһотой байгаа. Тээд арендын мүнгэ абахаяа бэшэ манда ямаршье туһа хээгүй, - гэжэ Геннадий Петрович хани нүхэр Лидия Васильевна хөөрбэ.

0,26 гектар газар шулуугаар хашаалжа, хулгай нэргылэжэ (Зунай дэлгүүрэй сарайн хушалта хуулажа эхилхэн байгаа). Дэлгүүрэйнгээ сонхонуудта түмэр решётко табуулаа. Дулаа шалгадаг хэмжүүр табуулажа, халуун уһанай түлбэри бага болгоо.

Гэбэшье заһабарилгаа хамһалсуулхын тула нютагай зайһадаа эхилээд ямар ноёдо орожо, туһаламжа эрэгүйб? А.Г.Лубсанов, В.А.Шаповалов, А.Г.Прейзнер, Г.А.Айдаев гэхэшэлэн хотын захиргаанай гулваанарые булгыень Геннадий Петрович тоолоно. Байгша оной мартын 25-да тэрэ Г.А.Айдаева ороһон байна.

Ерээдүйдэ Хүдөө ажахын болон эдээ хоолой министрствэдэ гү, али Эдээ хоолой корпорацида дамжуулан үгтэхэ хурагтай.

Зүгөөр энэ дэлгүүрэй 42 процентнь хотын, 58 процентнь горкоопторгын зөөри гэжэ тоологдодог. Ушар тиимэһээ нэгэ талаһаа зөөриез алдаха дурагүй, нүгөө талаһаа худалдажа абажа зөөригүй болоод, дүнгэлтэ боломоор таатай шийдхэбэри мүнөө болотор абтаагүй байһаар.

Хэзээ хүдэлхэ дэлгүүр бэ гэхэн асуудалда хабаатай нуурнуудай харюу үгэхые хүлээнбди.

Т. НИМБУЕВ.

АВТОМАШИНЫН ОРОНДО АГТА ХҮЛЭГ

Манай тайлбари

Буряад Республикын Зоние социальна талаар хамгаалгын министрствэдэ гүрэнэй зүгһөө хүнгэлэлтэй автомашина абаха тухай мэдүүлгэ орууһан Эсэгэ ороноо хамгаалгын дайнай 1130 инвалидай 500-ниинь хүдөө нютагуудта ажаһууна. Орон доторхи, мүн манай республикада тохёолдоһон хүшэр байдалһаа уламжалан, дайнай инвалидуудые тусхай автомашинаар хуулиин ёһоор хангаха асуудал мүнөөдөө бээлүүлэгдэшгүй хэрэг болонхой. Энэл ушарһаа Буряад Республикын Правительство «Хүдөөдэ ажаһуудаг дайнай инвалидуудта, мүн тэдэндэ адлидхагдаһан хүнүүдтэ хууляар хараалагдаһан тусхай автомашины орондо мори тоног зэмсэгтэйгээр, тэргэ болон шаргагайгаар үгэхэ тухай» 44-дэхи дугаарай тогтоол 1997 оной февралын 17-до баталан абаһан байна. 1994 оной декабрин 16-да хүсэндөө ороһон «Ветеранууд тухай» Россин Федерациин Хуули бээлүүлгые баримталан, Буряад



дураар мори зэмсэг тоногтойн, тэргэ шаргатайнь абаха эрхэтэй. Ушар иимэхээ энэ тогтоол тайлбарилжа үгэлтэй.

3-4 наһатай нургагдаһан морин 10 жэлэй болзороор дайнай инвалидуудта үгтэхэ юм. Тоног зэмсэгүүд 10 жэлээр, 2 мөөртэй, тэргэ, шарга мүн лэ иимэ

болзортойгоор абаха эрхэтэй. Хэрбээ али нэгэ үбшэнэй, усалай шалтагаанаар абаһан моринойнь гарзада оробол,



эзэниинь саг дары аймагай ветеринарна болон санитарна хиналта бээлүүдэдэг эмхидэ дуулажа, гарзалһан тухай саарһа абаха ёһотой. Болзоройнь үнгэрхэдэ, эзэндэнь республикын Правительствын

тусхай тогтоолоор хараалагдаһан түлбэри тэхэрюулэн бусаагдаха. Автомашины орондо мори, тэргэ абаһан хүнүүдтэ үбһэ тэжээл абаһанай, зэмсэг тоног, тэргэ, шарга заһабарилһанай түлөө наһатай болоһоной түлөө үгтэхэ 12 пенсийн хэмжээнэй түлбэри үгтэжэ байха. Энэ түлбэрийн хэмжээн жэл үнгэрхэ бүри ехэ болохо зэргэтэй.

Буряад Республикын Зоние социальна талаар хамгаалгын министрство 18,5 мянган түхэригэй мориной 22 тоног Барнаул, 2,5 мянган түхэригэй 22 тэргэ бүтээхыень Загарайн аймагай Шэнэ-Бэрээн захиба. Мүн Хягтын аймагай хамһабарийн Дунгын ажахыда 7,5 мянган түхэригэй шарга бүтээхэ даабари үгтэнхэй.

В.А.ФОНЬКИН,

Буряад Республикын Хүн зоние социальна талаар хамгаалгын министрствын дайнай инвалидуудай хэрэгүүдэй талаар таһагай начальник.

